

Projekcija zapošljavanja za naredni petogodišnji period polazi od zadržavanja i daljeg podsticanja pozitivnih i otklanjanja negativnih tendencija u zapošljavanju iz prethodnog perioda. Strateški cilj je projiciranje veće prosječne stope zaposlenosti i smanjenje prosječne stope rasta nezaposlenosti, te izmjena strukture zaposlenih u korist zaposlenih u privredi.

Elementi	2008	2009	2010	2011	2012	Stopa rasta %
Stanovništvo	423.640	428.300	433.011	437.780	442.596	1,1
Zaposleni	105.196	109.614	114.218	119.260	124.277	4,2
U privredi	60.283	63.540	66.972	70.745	74.566	5,4
U neprivredi	44.913	46.074	47.246	48.515	49.711	2,6
Nezaposleni	67.685	68.971	70.281	71.620	72.988	1,9
Σ Rad. snaga	172.881	178.585	184.499	190.880	197.265	3,3

Tabela 9.

Predviđena kretanja broja stanovnika i kontingenta radne snage u Kantonu Sarajevo od 2008-2012. godine

Pošto se radi o prosječnim veličinama, to znači da će, kao i u prethodnom periodu, doći u pojedinim godinama do odstupanja od ovog broja, što će zavisi od ekonomskih i drugih uslova, koji utiču na privredni razvoj, a time i na zapošljavanje. Prilikom utvrđivanja ovih ciljeva, računalo se da će Kanton Sarajevo i grad Sarajevo u narednom periodu zadržati i još više ojačati ulogu centra i sjedišta niza privrednih društava, privrednih predstavništava, međunarodnih organizacija i dr., što je i do sada imalo snažnog podsticaja razvoju i zapošljavanju.

Kanton Sarajevo, kao ekonomski najrazvijenije područje u Bosni i Hercegovini ima mogućnosti da snažnije nego druga područja stimulise proces ubrzanijeg zapošljavanja. To se potvrđuje i dosadašnjim djelovanjem na proces zapošljavanja, putem aktivne politike zapošljavanja koju realizuje JU "Služba za zapošljavanje Kantona Sarajevo", sa posebnim naglaskom na zapošljavanje mladih osoba, žena, osoba sa posebnim potrebama i sl.

U Kantonu Sarajevo su uočljivi procesi izmjene privredne strukture i snažnije podrške strateškim oblastima privrede, Skupština Kantona Sarajevo je usvojila "Strategiju razvoja ruralnih dijelova Kantona Sarajevo", a Vlada Kantona Sarajevo utvrdila Nacrt zakona o novčanim podsticajima u primarnoj poljoprivrednoj proizvodnji, što ukazuje na opredijeljenost Kantona da dugoročnim i stabilnim mjerama pruža podršku razvoju poljoprivrede. To će doprinijeti snažnijem razvoju poljoprivredne proizvodnje i prehrambene industrije, ubrzanju procesa formiranja obiteljskih farmi, čime se pored povećanja zapošljavanja, stvaraju uslovi za snabdijevanje prerađivačkih prehrambenih kapaciteta sirovinama iz domaćih izvora, smanjenju spoljnotrgovinskog deficita i obezbjeđenju ravnomjernijeg razvoja urbanih i ruralnih područja. Takođe je predviđeno da se u okviru Ministarstva privrede Kantona Sarajevo formira posebna direkcija za razvoj turizma, radi snažnije primjene politike turizma i razvoja turističkih resursa.

S obzirom da je Kanton Sarajevo do sada bio područje sa najvećim obimom investicionih ulaganja, pokrenutih javnih radova i javnih investicija, računa se da će to biti i u narednom periodu. Značajno je obezbijediti praćenje realizacije utvrđenih strateških ciljeva, kako bi se blagovremeno otklonile neusklađenosti, izvršila aktualizacija strateških opredjeljenja i stvorila veća odgovornost za realizaciju ciljeva.

Ministarstvo za boračka pitanja

Na osnovu člana 68. stav 3. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), ministar za boračka pitanja donosi

INSTRUKCIJU

O ISPUNJAVANJU USLOVA PREBIVALIŠTA/BORAVIŠTA NA PODRUČJU KANTONA U PRIMJENI ZAKONA O DOPUNSKIM PRAVIMA BORACA-BRANITELJA BiH

1. Ovom Instrukcijom se definiše ispunjavanje uslova prebivališta/boravišta na području Kantona u primjeni člana 32., 33. i 34. Zakona o dopunskim pravima boraca-branitelja BiH ("Službene novine Kantona Sarajevo", broj 9/07 - Prečišćen tekst) (u daljnjem tekstu: Zakon).
2. Na osnovu uvjerenja o kretanju izdate od Policijske uprave općine boravišta/prebivališta, koja mora obuhvatiti period od 01.01.1991. do dana izdavanja potvrde, utvrditi da li lice iz člana 1. Zakona ima boravak u Kantonu Sarajevo od 14.12.1995. godine do dana izdavanja potvrde.
3. Za lica koja su prijavila boravište/prebivalište u Kantonu od 30.04.1991. do 14.12.1995. godine kod Ministarstva za rad, socijalnu politiku, raseljena lica i izbjeglice Kantona Sarajevo utvrditi da li su ista imala ili imaju status raseljenog lica.
4. Lica iz prethodne tačke, koja nisu imala niti imaju status raseljenog lica, uz obrazac za ostvarivanje prava iz tačke 1. ove instrukcije, moraju dostaviti za sebe, kao i za članove porodičnog domaćinstva dokaz o posjedu, vlasništvu bilo koje stambene jedinice u općini u kojoj su imala boravak/prebivalište prije nastanjenja u Kantonu, kao i dokaz o uslovnosti istih.
5. Ova Instrukcija stupa na snagu danom donošenja, a objavit će se u "Službenim novinama Kantona Sarajevo".

Broj 06-02-29086-1/07

14. decembra 2007. godine
Sarajevo

Ministar
Hajrudin Ibrahimović, s. r.

OPĆINA NOVO SARAJEVO

Općinski načelnik

Na osnovu člana 46. Zakona o prostornom uređenju Kantona Sarajevo ("Službene novine Kantona Sarajevo", broj 7/05 i člana 42. Statuta Općine Novo Sarajevo ("Službene novine Kantona Sarajevo", broj 25/04), načelnik Općine Novo Sarajevo, 18. decembra 2007. godine, verificovao je

ODLUKU

O KOREKCIJI "IZMJENE I DOPUNE REGULACIONOG PLANA PROSTORNE CJELINE VELEŠIĆI"

Član 1.

Usvaja se Korekcija "Izmjene i dopune Regulacionog plana prostorne cjeline Velešići" (u daljnjem tekstu: korekcija Plana).

Član 2.

Korekcijom plana utvrđuje se građevinska parcela za izgradnju dvorane za tjelesni odgoj i objekata za polaganje

vozačkog ispita, čija granica počinje od tromede parcela k.č. 1304, 1307 i 4322 (Ulica Velešići), ide u pravcu sjevera međom parcele k.č. 1307 (obuhvata je), dolazi u tačku broj 1 sa koordinatama $y = 6\,532\,491$ i $x = 4\,857\,929$, koja se nalazi na medi između parcela k.č. 1304 i 1307, lomi se u pravcu sjeverozapada i dolazi u tačku broj 2 sa koordinatama $y = 6\,532\,489$ i $x = 4\,857\,933$, nastavlja u pravcu sjevera međom parcele k.č. 1307 (obuhvata je), dolazi u tačku broj 3 sa koordinatama $y = 6\,532\,494$ i $x = 4\,857\,956$, lomi se u pravcu sjeveroistoka i dolazi u tačku broj 4 sa koordinatama $y = 6\,532\,495$ i $x = 4\,857\,960$, nastavlja na sjever i dolazi u tačku broj 5 sa koordinatama $y = 6\,532\,495$ i $x = 4\,857\,969$, skreće u pravcu sjeverozapada sijekuci u pravoj liniji parcelu k.č. 1307 i dolazi u tačku broj 6 sa koordinatama $y = 6\,532\,491$ i $x = 4\,857\,983$, koja se nalazi na medi između parcela k.č. 1307 i 1335. Nastavlja dalje u pravcu sjeveroistoka idući međom parcele k.č. 1307 (obuhvata je), dolazi u tačku broj 7 sa koordinatama $y = 6\,532\,544$ i $x = 4\,858\,000$, skreće na jug, dolazi u tačku broj 8 sa koordinatama $y = 6\,532\,545$ i $x = 4\,857\,997$, lomi se u pravcu jugozapada, dolazi u tačku broj 9 sa koordinatama $y = 6\,532\,544$ i $x = 4\,857\,994$, dalje nastavlja na jug sjekuci u pravoj liniji parcelu k.č. 1307, dolazi do tačke broj 10 sa koordinatama $y = 6\,532\,549$ i $x = 4\,857\,970$, koja se nalazi na parceli k.č. 1307, nastavlja dalje u istom pravcu, dolazi do tačke broj 11 sa koordinatama $y = 6\,532\,544$ i $x = 4\,857\,955$, koja se nalazi na medi između parcela k.č. 1307 i 1305, skreće na zapad idući međom parcele k.č. 1307, dolazi u tačku broj 12 sa koordinatama $y = 6\,532\,520$ i $x = 4\,857\,949$, koja se nalazi na sjeverozapadnoj strani parcele k.č. 1305, dolazi u tačku broj 13 sa koordinatama $y = 6\,532\,523$ i $x = 4\,857\,902$ koja se nalazi na medi između parcela k.č. 1305 i 4322 (Ulica Velešići), skreće u pravcu zapada idući međom parcele k.č. 1307 (obuhvata je) i dolazi do mjesta odakle je opis i počeo.

Sve naprijed navedene parcele nalaze se u K.O. Novo Sarajevo I.

Ukupna površina za koju je rađena korekcija iznosi 0.4 ha.

Član 3.

Korekcijom plana u opisanim granicama se planira izgradnja dva objekta, i to na sjevernom dijelu parcele Dvorana za tjelesni

odgoj, tlocrtnih dimenzija 71,6 x 39 m te visine 10,13 m, sa pristupnim platoom, te objekat za polaganje vozačkih ispita koji je predviđen na ulazu u sam kompleks tlocrtnih dimenzija 16 x 27,4 spratnosti prizemlja.

Objekat dvorane za tjelesni odgoj koncipiran je kao jedna čvrsta, djelomično kružna forma sa četiri vertikalne komunikacije, vezana podzemnom vezom za nastavni objekat. Obzirom da je objekat deniveliran za 4 m predviđeni su ulazi sa svakog nivoa. Ulaz sa gornjeg nivoa namijenjen je za vanjske korisnike-rekreativce ili posjetioce ako se dvorana koristi za manja takmičenja ili kulturne manifestacije.

Objekat za polaganje vozačkih ispita se sastoji od dvije sale, te pratećih prostorija.

Član 4.

Korekcija Plana sastoji se iz tekstualnog dijela i grafičkog priloga Izvod iz izmjene i dopune regulacionog plana prostorne cjeline Velešići i korekcija M 1:1000, te Korekcija izmjene i dopune regulacionog plana prostorne cjeline Velešići M 1:500 koje su sastavni dio "Izmjene i dopune regulacionog plana prostorne cjeline Velešići" ("Službene novine Grada Sarajeva", br. 11/87).

Član 5.

Po jedan primjerak ovjerene korekcije Plana (tekstualni i grafički prilog) nalazi se na stalnom javnom uvidu i čuva se u Službi dokumentacije Općine Novo Sarajevo, Zavoda za planiranje razvoja Kantona Sarajevo i Ministarstva prostornog uređenja i komunalnih poslova Kantona Sarajevo.

Član 6.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-23-1072/07
18. decembra 2007. godine
Sarajevo

Načelnik
Općine Novo Sarajevo
Nedžad Koldžo, s. r.

